

Dissertatio de dea salute, in qua illius symbola, templa, statuae, nummi, inscriptiones, exhibentur, illustrantur / [William Musgrave].

Contributors

Musgrave, William, 1655?-1721.

Publication/Creation

Oxonii : L. Lichfield for P. Yeo, Exeter, 1716.

Persistent URL

<https://wellcomecollection.org/works/yq6nn5nr>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO

DE

Dea Salute,

IN QUA

Illius Symbola, Templata, Statuæ,

Nummi, Inscriptiones,

Exhibentur, Illustrantur.

Auctore

GUILHELMO MUSGRAVE, G. F.

è Collegio *Exoniensi*.

"Ομνυμι Ἀπόλλωνα Ἰητριν, καὶ Ἀσκληπιόν, καὶ ὙΓΕΙΑΝ. *Hippocr.*

Henr. Hooper.

OXONII,

Typis *Leon. Lichfield*, Impensis *PHIL. YEO*,
Bibliopolæ *EXON*. Anno MDCCXVI.

Imprimatur,

Apr. 25. 1716. JO. BARON, Vice-Canc.



Optimo & Inlustri

B A R O N E T T O

HUGONI ACLAND,

e Collegio Exoniensi,

Domus fui Cognominis, apud *DUNMONIUM*

Antiquæ, Piæ, Felicis

Coryphæo ;

Studiorum has Primitias, &

Υ Γ Ι Α Ι Ν Ε Ι Ν,

ex Voto suscepto,

Auctor.

Optimo & Intelligi

BARONETTO

HUGONI A CLAUD

e Collegio Exonensis

Domus sui Cognominis, apud DUNMONTUM

Antiquas, Pias, Reliquas

Corporales;

Et studiorum hanc Primitias &

YTIANIN

ex Voto suscepto

Auctor

P R Æ F A T I O.

SI cui mirum videbitur a me Salutem in Deorum numerum referri, atque adeo Literis celebrari, pro me respondit Telesphorus, cujus hanc Querelam pronuper audire visus sum; nempe Æsculapium, Apollinem & omnem Deorum Dearumque in Parnasso chorum ægre tulisse, quod dum Febris, dum Podagra divino culta sit Honore, doctorumque hominum scriptis celebrata, Salus, quæ Morbis omnibus longe anteponenda est, dudum a mortalibus sit neglecta, & quasi Deorum choro exclusa. Næ ille inauspicato, Θεόποιος inquit, aggreditur Medicinam, cui nullo Salus est in pretio. De hac re, tamquam in Somno, monitus, ne pedem in ipso studiorum limine offenderem, & Deos haberem iratos, protinus Libros, Lapides, Numismata, quotquot ad manus essent, excussi;

P R Æ F A T I O.

*quæque de Salute invenerim, in unum ea
collegi: Unde Dissertatio qualis qualis hæc
exorta.*

*Sed neque Viris Eruditione claris in-
gratum munus obire me confido, quando
Sapientiæ professoribus nihil unquam an-
tiquius, nihil carius, quam Mens sana in
corpore fano: ea Senatus, ea Fori mo-
menta, ea domi militiæque, ea belli pacif-
que geruntur omnia. Quæ cum ita se ha-
bent, non est quod admiremur, Symbolis
Salutem magnifice a veteribus indicari,
Templis honorari, Statuis decorari, Num-
mis illustrari, Inscriptionibus insigniri;
de quibus in Dissertatione plenius, uti-
nam pro rei dignitate satis!*

*At, o Benevole Lector, faveas, Te pre-
cor quæsoque, Fætui nostro tam pusillo te-
nelluloque; quandoquidem ei nihil magis
in votis, quam ut Tu bene valeres.*

DISSERTATIO

DE

DEA SALUTE.

CAP. I.

Introductio.

TANTA est, in Theologia Gentili, Deorum Multitudo, ut facile Res antiquas pertractanti aparuerit, non solum quamlibet Nationem, sed Civitatem, Domum, Locum, imo unumquemque pene Hominem, sibi Deum finxisse; Verum quidem a plerisque, qui de hac Theologia scripserunt, eundem supremum Deum pro variis ejus Humano Generi beneficiis, sub variis nominibus, fuisse cultum, conceditur: Et hoc comprobari videtur ab illo (1) Stoico, qui *tot Dei*, ait, *Appellationes possunt esse, quot munera*.

Ob hanc causam Antiqui, magna respicientes *Sanitatis* dona, eam etiam, haud immerito, in Deorum numero posuerunt: hinc apud (2) *Athenæum*, *Critias* περινοτίτῳ θεῶν ὑγιότης, *acceptissimam inter Deos hominibus*, vocat; hinc (3) *Terentius*

*Ipsa, si cupiat, Salus,
Servare prorsus, non potest, hanc familiam.*

(1) *Seneca* de Beneficiis, Lib. IV. Cap. 7.

(2) *Deipnosophistarum*, Lib. X.

(3) In *Adelphis*, Act. 4. Scen. 7.

Et hinc *Ariphronis Sicyonii*, (1) εἰς Ὑγίαν Παγαῖν,
 Ὑγία πρεσβύσα μακάρων,
 Μετὰ σὲ ναίοιμι
 Τὸ λειπόμενον βιοτᾶς·
 Σὺ δὲ μοὶ πρῶτον σύννοικος εἶης.
 Εἰ γάρ τις ἢ πλάτου χάρις, ἢ τεκέων,
 Ἰσοδάμονός τ' ἀνθρώποις
 Βασιλίδος ἀρχᾶς, ἢ πόθων,
 Οὓς κρυφίοις ἀφροδίτας ἀγκυσι θησύομεν,
 ἢ εἰς ἄλλα θεόθεν ἀνθρώποισι τέρψις,
 ἢ πόνων ἀμύνοα πέφαν'·
 Μετὰ σεῖο μάκαρ' Ὑγία
 Τέθληε πάντα, ἢ λάμπει χαρίτων ἔαρ.
 Σέθεν δὲ χωρὶς ἔτις εὐδαίμων.

Cui Doctissimi *Sennerti, Wittebergensis Medici*,
 Versionem *Anacreonticam* licet subungere.

<i>O Sanitas beata,</i>	<i>In Liberis venustis,</i>
<i>O Sanitas amanda,</i>	<i>In Principum decore,</i>
<i>O Sanitas colenda,</i>	<i>In Conjugum favore ;</i>
<i>Tecum mihi beate</i>	<i>Et quicquid est, quod ampli,</i>
<i>Reliquum agitare Vitæ</i>	<i>Largitur orbis Autor,</i>
<i>Liceat ! mihi perennis</i>	<i>Quietis a Labore,</i>
<i>Comes o adesto Vitæ !</i>	<i>Gaudii que post Dolorem,</i>
<i>Nam quicquid est bonorum,</i>	<i>Tecum viget viretque.</i>
<i>Et quicquid est leporum,</i>	<i>O Sanitas Beata,</i>
<i>Et quicquid est honorum,</i>	<i>Tu ver facis suave</i>
<i>Et quicquid est amorum,</i>	<i>Fulgere Gratiarum.</i>
<i>Magnis in auri acervis</i>	<i>Sine te nihil beatum.</i>

Ut & (1) *Orphei Hymnus ad eandem Deam, opus æque perfectum, æque lectione dignum; quod a me Latine versum.*

Ἰμερέεσ', ἐρατὴ, πολυχάλμει παμβασίλεια,
 Κλυθε μάκαρ' ὑγίεια, φερόλβιε μήτερ ἀπάντων.
 Ἐκ σέο γ' νῆσοι μὲν ἀποφθινύθουσι βροτοῖσι,
 Πᾶς δὲ δόμῳ γάλλει πολυκηδὴς ἔνεκα σείο,
 Καὶ τέχνηαι βρείθουσι. ποθεῖ δέ σε κόσμῳ ἀνάσσα,
 Μῆνος ὃ συγχεί σ' αἰδὴς ψυχροφόρος αἰεὶ,
 Εὐθαλλῆς, εὐκταιοτάτη, θνητῶν ἀνάπαυμα.
 Σὺ γ' ἄτερ πάντ' ὅσιν ἀνωφελῇ ἀνθρώποισιν.
 Οὔτε γ' ὀλοδοδότης Πλῆτος γλυκερὸς θαλίῃσιν
 Οὔτε γέρων πολύμοχθος ἄτερ σέο γὰρ ἀνής.
 Πάντων γ' κρατέεις μένη, ἢ πᾶσιν ἀνάσσεις.
 Ἀλλὰ θεὰ μόλε μουσιπόλοισι ἑπιτάρροδος αἰεὶ,
 Ρυομένη νέσων χαλεπῶν χακόποτμον ἀνίλω.

*Optabilis, Amanda, multum-virens Summa Regina,
 Audi Beata Salus, felicitatem-ferens Mater omnium.
 Per te enim morbos profligant Homines,
 Omni-que floret Domus læta tui gratia,
 Crescunt & Artes. Amat te Mundus, Regina;
 Et Solus odit Lethifer Orcus.
 Florens, maxime-optanda, Mortalium Requies,
 Sine te omnia sunt hominibus inutilia. | entias,
 Non enim Dis dator divitiarum suavis est inter afflu-*

(1) Vide *Orphei Hymnos* quos edidit *Hen. Stephanus*. pag. 123.

*Nec sine te fit Homo Senex ærumnosus.
Omnes enim superas, omnibusque imperas.
Sed ades Dea, initiantibus semper adiutrix,
Depellens infelicem, morborum gravium, dolorem.*

Porro non minus luculenter apparet, Gentilium Deos, inter se diversos habuisse ordines; & uti duodecim Dii præcipui, in superiori ordine, ita alii, minus præcipui, (vulgo *Medioxumi*) in ordine inferiori, collocabantur. Inter Deos igitur *Medioxumos*, hæc nostra Dea *Salus*, de qua sermonem facturi sumus, cenferi debet; Cujus est hujusmodi Ortus Mythologicus.

Quatuor Filias habuisse *Æsculapium* Antiqui fabulantur, scil. *Iaso*, *Panaciam*, *Æglen*, & *Hygiam*, uti testatur (1) *Plinius*, & in *Aristophanem* (2) Scholiastes; qui earum nomina formata esse docet Ἰᾶς, καὶ πάντα ἀκείας, καὶ ὡς αὖ τὸ ὑγίαν παρέχειν. (3) *Suidas* autem earum Matrem retulit Ἠπιόντιον. Ἠπιόντιον γὰρ Ἄσκληπιόν. καὶ θυγάτηρ αὐτῆς Ὑγία, Αἴγλη, Ἰασώ, Ἀκασώ, Πανάκεια. Quam vero Græci Ὑγίαν, vel Ὑγείαν, eam Romani *Salutem* aut *Sanitatem* appellavere, eam præcipue coluere: Illa enim erat, cui Statuæ erigerentur; Illa, cui Tempia, Aræque ponerentur; & Illa, cui Numismata, ut & alia Monumenta inscriberentur. Quæ nostra, uti spero, exhibebit Dissertatio: Sed primum de Symbolo Deæ *Salutis*.

(1) Nat. Hist. Lib. XXV. Cap. 4. & XXXV. Cap. 11.

(2) In *Plutum*, & *Aves*.

(3) Sub Voce Ἠπιόντιον.

C A P. II.

De Salutis Symbolo.

A Nguem, five Serpentem, *Æsculapio* fuisse sacrum, ejusque in Theologia Gentili Symbolum, est exploratissimum: Quam ob causam, sæpissime *Æsculapii* imago, nimirum Homo barbatus, manu tenens Baculum, cum Serpente cernitur. Cur autem hoc modo depingitur, rationem reddit fabulosam (1) *Hyginus*. *Ut quidam dixerunt, hac de causa Anguem dicitur tenere, quod cum Glaucum cogeretur sanare, conclusus quodam loco secreto, Bacillum tenens manu, cum quid ageret cogitaret, dicitur anguis ad Bacillum ejus adrepsisse, quem Æsculapius mente commotus interfecit, bacillo fugientem feriens sæpius. Postea fertur alter anguis eodem venisse, ore ferens herbam, & in caput ejus imposuisse: quo facto, utrosque loco fugisse. Qua re Æsculapium usum, & eadem herba Glaucum revixisse. Itaque Anguis & in Æsculapii tutela, & in astris dicitur collocatus: Qua consuetudine ducti posteri ejus tradiderunt reliquis, ut Medici anguibus uterentur. Quantum verisimilitudinis, in se hæc Fabula habere videatur, nostri non est exquirere. Tamen non sine ratione colligi potest, Serpentes & Angues, apud veteres habitos fuisse boni felicisque*

(1) *Astronom. Poetic. Lib. II.*

augurii Symbolum, Unde (1) *Homerus Græcos* inducit apud *Aulidem* omen futuri decennalis Belli ex serpente collegisse. Utet (2) *Aeneas* in ingressu in *Italiam*, a Serpente, circa patris ejus *Anchisæ* Sepulcrum, optimum præfagium, accepisse fertur.

*Dixerat hæc. Adytis cum lubricus Anguis ab imis
Septem ingens gyros, septena volumina traxit,
Amplexus placide tumulum, lapsusque per aras:
Ceruleæ cui terga notæ, maculosus & auro
Squamam incendebat fulgor; ceu nubibus arcus
Mille trahit varios adverso sole colores.
Obstupuit visu Aeneas. Ille agmine longo
Tandem inter pateras & levia pocula serpens,
Libavitque dapes, rursusque innoxius imo
Successit tumulo, & depasta altaria liquit.*

Valerius etiam (3) *Flaccus* hoc confirmat, a Serpente omen faustum *Argonautarum* incepto deducens,

*Dixerat: & summas frondentibus intulit aris
Libavitque dapes, placidi quas protinus Angues
Umbrarum famuli, linguis rapuere coruscis.*

Et ob hanc causam Serpens omnium fere Deorum comes esse videtur; quo nil frequentius in *Ægyptiorum, Græcorum, & Romanorum* sacris occurrit,

(1) *Iliad. Lib. II.*

(2) *Æneid. Lib. V.*

(3) *Argonauticon. Lib. III.*

uti abunde testatur Doctissimus (1) *Cuperus*. Nimis quidem a nostro esset proposito, omnes quibus comes datur, Deos recensere; *Æsculapium* vero præcipue hoc habuisse Symbolum, nullomodo ostendere pigebit. Et hoc inter alia, ex his (2) *Statii* constat,

*Dicitur Idalios Erycis de vertice lucos
Dum petit, & molles agitat Venus aurea cygnos,
Pergameas intrasse domos, Ubi maximus ægris
Auxiliator adest, & festinantia sistens
Fata, Salutifero mitis Deus incubat Angui.*

Quæ cum Serpentem *Æsculapio* sacrum probaverint, ex hisce facile judicari potest, unde *Salus Æsculapii* Filia, symbolum suum Serpentem acceperit. Et quare Serpens five Anguis ei tribuatur, à (3) *Chartario* ostenditur, *Angues*, dicente, *apud veteres Sanitatis* (i. e. *Salutis*) *signa erant*; nam sicut *Angues* *vetustis positis exuviis, innovantur, ita & homines sanitate recuperata, restaurari quodammodo videntur*. Cui consentaneum est, quod à (4) *Macrobio* dicitur, *Draconem Serpentis quoddam genus, Symbolum esse referente*; quæ omnia ex illo Autore, huc adscripsi. *Hinc est, quod simulacris Æsculapii, & Salutis, Draco subjungitur, quod hi ad Solis naturam, Lunæque referuntur: & est Æsculapius*

(1) Vide *Cuperi Harpocratem*. Traj. ad Rhen. 1694. pag. 59. & 60.

(2) *Sylvarum*. Lib. III.

(3) Vide *Chartarium* de Deorum Imaginibus, qui ab Antiquis colebantur.

(4) *Macrob. Saturnaliū*, Lib. I. Cap. 20.

vis salubris de substantia Solis subveniens animis corporibusque mortalium: Salus autem naturæ Lunaræ effectus est, quo corpora animantium juvantur, salutifero firmata temperamento. Ideo ergo Simulacris eorum junguntur figuræ Draconum: Quia præstant ut humana corpora, velut infirmitatis pelle deposita, ad pristinum revirescant virorem, ut virescunt Dracones per annos singulos pelle senectutis exuta.

Sed præter ante memoratum *Salutis* Symbolum, nonnulla ejusmodi fuere, qualia *Antiochus* cognomine *Soter*, cum adversus *Galatas* pugnaret, habuisse fertur. Ille enim vidit, aut vidisse simulavit, *Alexandrum* Magnum monentem, ut Signum sive Symbolum *Salutis*, proponeret, & id pro tessera Tribunis daret, insueretque eorum vestibus, itaque victoriam potiretur. Quod quidem in eorum gratiam qui res antiquas admirantur, hic subnectam.



Unde hujus Rei signum (eodem *Chartario* referente) in veteribus *Antiochi* Nummis, hodie spectandum.

C A P. III.

De Templis & Augurio Deæ Salutis.

CUM in prioribus de Mythologia, & Symbolo, nonnulla protulimus, haud abs re erit, quod de Templis eidem Deæ consecratis, dicendum est, hic in medium ferre. Minime enim dubitandum est quin ut salutem daret, hæc Dea olim coleretur. Ec si cum Nobilissimo (1) *Herberto* loqui liceat, *Non semper ad privatum, particularemque corporis unius hominis, verum sæpissime nobiliorem, communemque Reipub. statum referebatur.* Hanc ob causam Tempia ei a Rom. qui eam præcipue coluerunt, posita invenimus. Unde etiam (2) *Livius*, Historiarum Princeps, *Ædes, inquit, Salutis a C. Junio Bubulco Censore locata est; quam Consul Bello Samnitium voverat; & in sequenti Libro, (3) Is (scil. Bubulcus) cum M. Titinio Magistro Equitum profectus, primo congressu Aequos subegit, ac die octavo triumphans, in Urbem cum redisset, Ædem Salutis quam Consul voverat, Censor locaverat, Dictator dedicavit.* Cujus Ædis Historia, ut melius intelligatur, adjicere licet, *C. Junium Bubulcum, in Bello Samnitico III Cos. cum Q. Æmilio Barbula II A.U.C.*

(1) De Religione Gentilium.

(2) Lib. IX. Cap. 43.

(3) Lib. X. Cap. 1.

442. vovisse, se *Salutis* Ædem ædificaturum: Quam quidem Cenfor, *Q. Marcio Tremulo*, *P. Cornelio Arvina* Cofs. A. U. C. 447. locavit; & Dictator *M. Livio Dentre*, *M. Æmilio Paulo* Cofs. A.U.C. 451. dedicavit.

Hæc Ædes, a *C. Fabio* picta, nomen illi *Pictoris* acquisivit, uti (1) *Plinius* testatur, de Pingendi Arte verba faciens, *Apud Romanos quoque bonos mature huic Arti contigit: siquidem cognomina ex ea Pictorum traxerunt Fabii clarissimæ gentis, princepsque ejus cognominis ipse Ædem Salutis pinxit*, A U.C. CCCCL. Quæ pictura duravit ad nostram memoriam, Æde *Claudii principatu exusta*. In quem locum, Doctissimi *Harduini* Notæ indicant, hanc *Salutis* Ædem fuisse in Regione Urbis Romæ sexta, in Colle scil. *Quirinali*.

Porro Autor ille vetus *Terentius* (2) *Varro*, tum Collem *Salutarem* tum Ædem *Salutis* commemorat; Quæ Collis Doctissimo interpretante (3) *Scaligero*, est Particularis in Colle *Quirinali*, ubi etiam erant *Apollinaris*, *Martialis*, *Latiaris*. In hac igitur Colle *Salutari*, Ædes *Salutis* locata est, teste eodem *Varrone*, *Collis Salutaris quarticeps adversum est Apollineris Ædem, & Salutis*. Quam uti probabile, *Junius Bubulcus* ibi locavit; licet haud e *Livii* scriptis, indicari possit, ejus Ædem in Colle *Salutari* ædificasse; aut e *Varronis*, Ædem *Salutis*, quæ

(1) Nat. Hist. Lib. XXXV. Cap. 4.

(2) De Lingua Latina.

(3) Vide *Scaligeri* Conjectanea in *Varronem*.

fuit in Colle *Salutari*, ibi a *Bubulco* fuisse positam.

Et quoniam mentionem fecimus de Colle *Salutari*, audiamus (1) *Alexandrum ab Alexandro*, de ea *Varronem* laudantem. Quæ omnia adjicere non poenitebit, ut Templi Historia melius intelligatur; *Cumque in Quirinali diversi Aggeres forent, singula sua nomina sortiti fuere namque ex his uni Tricepsos ad Ædem Quirini, contra quam Sacellum Semonis Jani visebatur: alteri Salutari, ob Salutis Ædem, tertio Mutiali, ad Ædem Dei Fidii nomen erat, ut Varro inquit. In eo quoque Numa Pompilius domum habuit, quæ ad Augusti tempora, mansit incolumis, ubi & Primogeniæ Fortunæ Templum, quæ Publica dicta est, ac Fidii Sabini Dei, Salutis, & Floræ Tempula fuere. Ab eodem etiam Autore, Portam Salutarem Romæ, Templo proximam, ab eo nomen sumpsisse profertur; Et (2) Salutaris ab Æde Salutis.*

Sed præter ante memoratum *Salutis* Templum; unum in *Hetruria* fuisse, indicat (3) *Tacitus* mentionem de *Scevino* faciens, *Qui Pugionem, inquit, Templo Salutis in Hetruria, sive ut alii tradidere, Fortunæ, Ferentano in oppido detraxerat, gestabatque velut magno operi sacrum. Quanquam in hoc loco occurrit Dubitatio, utrum de Fortunæ, an Salutis Templo intelligatur, tamen si cum his conferantur verba, paulo post sequentia, facile indicari*

(1) *Genialium Dierum*, Lib. VI. Cap. 11.

(2) Lib. IV. Cap. 16.

(3) *Annalium*. Lib. XV. Cap. 53. Cap. 74.

possit cujus Deæ Templum in *Hetruria* fuit collocatum. Dicit enim, ex *Neronis* jussu, ut Templum *Saluti exstrueretur*, eo loci ex quo *Scevinus* ferrum promserat. Qui eum *Pugionem* apud *Capitolium* sacravit, inscripsitque **IOVI VINDICI**.

Nonnulli alii sunt, qui de hujus Deæ Templis, sed obiter scripserunt, viz. (1) *Tullius*, (2) *Vitruvius*, (3) *Arnobius*, & (4) *Augustinus*. Qui omnes ad idem Templum scil. in Colle *Salutari*, referri videantur; vix enim ex eorum scriptis, quibus in locis, aut quorum Munificentia posita fuere, patet.

His apposite subjungi potest celeberrimum *Salutis Augurium*, sæpe ab Autoribus Romanis memoratum, & inter alios præsertim à (5) *Tullio*, & *Dione Cassio*: Quorum prior, verba cujusdam Legis referens *Sacerdotes*, inquit *Vineta*, *Virgetaque* & *Salutem Populi auguranto*. (6) *Dion* autem *Cassius* prolixam hujus Rei historiam, & quomodo perficiebatur, narrat; cujus verba sunt, Τότε δὲ οἱ Ῥωμαῖοι πολέμων ἀνάπαυσιν τὸ ἔτος χρόνον ἔχον ὥστε καὶ τὸ οἰώνισμα τὸ τὴν Ὑγείας ὠνομασμένον ἀφ' ἑαυτῶν πολλὰ ποιῆσαι. τῷτο δὲ δὴ μαντείας τις πρόπτε' ὅτι, πῶς πινὰ ἔχον εἰ ὀπιτρεπεὶ σφίσιν ὁ Θεός, ὑγίαν τῷ δήμῳ αἰτῆσαι ὥς ἔχ' ὅσον ἔδδ' αἰτῆσαι αὐτῆς, ὥρην συγχωρηθῆναι, γενεάδ'· καὶ ἐτελείτο κατ' ἐτὸς ἡμέρας, οἷον μὴδὲν στρατόπεδον μήτε ὀπὶ πόλεμον ἔξῃαι, μήτ' ἀντιπαρετάττετο τις μήτε ἐμάχετο. καὶ ἀφ' τῷτο οἷον τοῖς συνεχέσι κινδύνοις, καὶ μάλιστα τοῖς ἐμφυλίοις ὥστε

-
- (1) De Natura Deorum, Lib. II.
 (2) De Architectura, Lib. I. Cap. 2.
 (3) Adversus Gentes, Lib. IV.
 (4) De Civitate Dei.
 (5) De Legibus, Lib. II.
 (6) Lib. XXXVII.

ἔποιετο. ἄλλως τε καὶ παγχάλεπον σφίσι τὸ χαθαίνειν ἀπὸ πάντων αὐτῶν ἡμέραν ἀκριβῶς τηρῆσαι, καὶ προσέτι καὶ ἀτοκώτατον, καὶ αὐτὸς οἱ γράσειν ἐκαστοῖς ἀμύθητα ἀλλήλοις παρέχοντας, καὶ μέλλοντας, ἂν τε ἡττηθῶσιν ἂν τε νικήσωσι, καὶ καθάπερ ἐπειτα σωτηρίαν ὡς καὶ εἰ θεῶν προσαιτεῖν. *Annua autem tunc spatio, Romani bellis vacarunt, ita ut longo tempore intermissum, Augurium Salutis, repeterent. Est autem quoddam Divinationis genus, quo probatur, concedantne ipsis Dii, ut salutem populo postulent: quasi nefas esset, eam priusquam concedatur, petere. Ad id dies destinatur singulis annis, ad quam diem nullus exercitus sit ad bellum profectus, nullus hostis ad aciem eduxerit, aut pugnatum sit. Hanc ob causam in continentibus malis, maximeque intestinis, non celebratur: Alioquin etiam difficillimum est, Romanis ut eam diem exacte ab his omnibus puram servant: præterea absurdissimum est, quum ipsi se mutuo in seditionibus ultro malis infandis affligant, ut sive vincantur, sive vincant, in miseriis sint, ita salutem a Deo velle flagitare.*

Nunc temporis, Tullio Consule, (1) Tullio ipso teste, repetitum fuit *Salutis Augurium*; Tibi, P. Claudius, Consuli nuntiavit, addubitato *Salutis Augurio, Bellum Domesticum iriste, & turbulentum fore, quod paucis post mensibus exortum, paucioribus est a te diebus oppressum.* A quo tempore fuit intermisum annos 34. i. e. donec *Augustus* fuit Consul, cum *Apuleio*. ὑπατεύοντος δ' αὐτοῦ (ait (2) *Dion Cassius*) τὸ πέμπτον μὲν Σέξτε Ἀπυλνίῳ, τὰ τε δευχθέντα ὡς αὐτὸς πάντα οἱ αὐτῇ τῇ

(1) De Divinatione.

(2) Lib. LI.

Ἡ ἱερὰ αἰὶς ὕμνῳ ὅρκῳ ἐβεβαίωσαντο --- Καὶ τὸ οἶκόνισμα τὸ δ' ὕμνῳ ἐποίησεν
 ὃ δ' ἐς τότε δι' ἅπας εἶπον διελέλειπτο. Cæfare (scil. Augusto) 7,
 Sexto Apuleio Cofs. *præterea Juramento omnia ejus
 acta confirmata sunt, Calendis Januariis ipsis--- Et
 Salutis fecerunt Augurium hætenus ob eas causas
 quas dixi intermissum. Augustus, referente (1) Sue-
 tonio Tranquillo, Salutis Augurium, cum multis aliis
 cærimoniis antiquis, paulatim abolitis, restituit.*
 Ille enim pace, Imperio Romano, restituta, tum
 Jani Templum clausit, tum *Salutis Augurium* fecit.
 Quorum utrumque non nisi quieto Imperii statu
 potuit observari; Et post eum, tempore *Claudii
 Cæsaris*, fuit repetitum, affirmante (2) *Tacito*, Sa-
 lutis Augurium, *quinque & viginti annis omissum,
 repeti, & deinde continuari placitum.*

(1) In Vita *Augusti*.

(2) *Annalium*, Lib. XII.

C A P.

De Statuis Deæ Salutis.

Alius, quem Diis habuerunt Antiqui, Honos est Statuarum Erectio, quarum huic nostræ Deæ non paucas, sibi vindicat Antiquitas. Statuas fuisse in Ὑγείας, honorem positas, e *Pausania*, *Dione Cassio*, aliisque, qui tum de *Æsculapio*, tum de illa scripsere, patet. Ὑγεία enim, quam ut diximus, *Æsculapii* filiam esse finxerunt, una cum Patre divinos honores sibi delatos habuit, unde Statuas ambobus conjunctim positas, eosque ipsos, tanquam Θεῶς συνθώμους toties cultos inveniamus.

In *Græca* igitur Historia, Statuam Ὑγείας memorat, in *Atticis* *Pausanias*, quam *Athenis* collocatam ille refert, ἥ δὲ Διitrephῶς πλησίον (παρὰ τὴν εἰκόνα τῆς ἀφανέστερης γράφειν οὐκ ἐθέλω) Θεῶν ἀγάλμα ἔστιν Ὑγείας τε ἣν Ἀσκληπιὸς παῖδα εἶ) λέγουσι, καὶ Ἀθηναίης ὀπίκλῃσιν καὶ τῷ τῆς Ὑγείας. i. e. *proxime ad Statuam Diitrephis posita sunt (neque enim libet minus clara persequi) Deorum signa, Hygiæ, quam Æsculapii filiam fuisse dicunt, & Minervæ, cui itidem Hygiæ cognomentum. Et Statuas Æsculapii & Salutis, esse Megaris, quas fecit Bryaxis Statuarius, (1) τῇ δὲ Ἀσκληπιὸς ἀγάλμα Βρύαξις καὶ αὐτὸ καὶ τὴν Ὑγείαν ἐποίησεν. Æsculapii vero, & Hygiæ Signa Bryaxis fecit. Unde (2) Plinio, Bryaxis Æsculapium, & Seleucum fecit, dicente, Doctissimus Harduinus eleganter qui-*

(1) In eodem Libro.

(2) Vid. Nat. Hist. Lib. XXXIV, & in eum Notas, & Emendat. *Harduini*.
dem,

dem, & erudite, legi vult *Salutem* aut *Sanitatem*, pro *Voce Seleucum*.

In *Corinthiacis* etiam de Statuis fit mentio. De prima in ipsa Urbe *Corintho*, Πρὸς τῷ τῷ γυμνασίῳ, ναοὶ Θεῶν εἰσιν, ὁ μὲν Διὸς, ὁ δὲ Ἀσκληπιῶ. Τὰ δὲ ἀγάλματα, Ἀσκληπιὸς μὲν καὶ Ὑγίεια λευκῇ λίθῳ, τὸ δὲ Διὸς χαλκῇ ὄντι. *Conjuncta sunt cum ipso Gymnasio, Deorum Delubra duo, Jovis alterum, alterum Æsculapii; Æsculapius ipse & Hygia e candido lapide sunt, at Jupiter æneus est.* Et in eodem Libro, de altera, in *Æsculapii* Templo, quod ab *Alexanore*, in *Sicyonia* fuit erectum. Ubi primum de *Æsculapii*, & mox de *Hygiæ* Statua, loquitur *Pausanias*, Καὶ Ὑγίειας δ' ὄντι καὶ ταυτὸν ἀγάλμα. ὅτε ἂν ὁδὸς τῷτο ἰδοὺς ῥαδίως, ἔγωγε φείχουσιν αὐτὸ κόμῳ τε γυναικῶν αὐτὴν κείρουσιν τῇ Θεῷ, καὶ ἐοικῶσιν Βαβυλωνίαις τελαμῶνες. ὧ δ' ἂν εἰδῶσα τέτων ἰδῶσα θελήσῃ τις, ἀποδέδεικται οἱ τὸ αὐτὸ σέβειν τῷτο, ὃ δὲ καὶ Ὑγίειαν χαλκῷ. *Eodem ferme habitu est Hygiæ Signum. Nam & hoc non facile conspicias. Velatum enim undecunque est, partim comis, quas deæ mulieres detonderunt, partim vero Babylonix vestis laciniis, Qua vero cunque re litare quis voluerit, eadem traditum est, illud etiam numen placari, cui est Hygiæ Nomen.* Sed male quidem interpretes *Amasæus*, καὶ ἑωτὸν eodem habitu redidit, uti enim (1) *Gisbertus Cuperus*, Vir tum omni eruditionis genere, tum Antiquitatis studio præclarus, observavit, Statuæ utriusque descriptio, inter se collata, rejicit, & qui multo magis eleganter in eodem loco, significare velit. Quæ autem sint τελαμῶνες ἐοικῶσιν, five laciniæ quibus *Salus*

(1) Vide Apotheosin *Homeri*, *Amstel.* 1683. pag. 143.

velari dicitur, æque mihi atque illi ignotum. Idem porro *Amasæus* male reddidit ὃ δ' ἐν εἰκόνι &c. quod sic recte a *Sylburgio* corrigitur, *Quodcunque autem horum numinum placare hic aliquis voluerit, ei præscriptum est illud ipsum venerari, quod Ὑγίαν apelant.* Sed ut progrediar.

De *Æsculapii* Templo apud *Argivos* loquens, in eo Statuam fuisse Ὑγίας dicit *Pausanias*, τὸ δὲ ἐπιφανέστατον Ἀργείοις τὸ Ἀσκληπιείων ἄγαλμα ἐφ' ἡμέρην, ἔχει καθήμενον Ἀσκληπιόν, λίθῳ λακῷ, καὶ παρ' αὐτὸν ἕστηκεν Ὑγία. Quod sic vertit *Sylburgius*. *Inter Æsculapii Simulacra id quod est Argis omnium ætate nostra clarissimum, repræsentat Deum sedentem e candido Lapide, & juxta eum stat Salus.*

(1) *Plinius* præterea ante laudatus, & *Lucianus Samosatensis* de Statuis hujus Deæ scripserunt, quorum prior Statuas, inquit, *Æsculapii*, & *Hygiæ*, a *Nicerato* nobili Statuario fuisse factas, quæ *Romæ* in *Concordiæ* Templo collocarentur: & paulo post idem ille Autor, Statuam *Hygiæ*, a *Pyrrho* factam. Alter *Hippiæ* Balneum describens καὶ εἰκόνες οἱ αὐτὰς λίθῳ λακῷ τῆς ἀρχαίας ἐργασίας, ἡ μὲν Ὑγίας ἡ δὲ Ἀσκληπιῶς, inquit, i. e. *in eadem* (scil. *Domo Balneo continua*) *sunt marmoreæ Imagines antiqui operis, altera Sanitatis, altera Æsculapii.*

Porro Statuam Deæ Ὑγίας posuit *Augustus Cæsar*, ad Reipub. vero, potius quam unius hominis privati salutem refertur; nihilominus quoniam de *Salutis Publicæ* Augurio, & Templis in prioribus egimus, de Statuis etiam ejusdem Deæ loqui fas est.

Quare hæc e (1) *Dione Cassio* adjicere voluimus, ἐπειδὴ τε ἀρχαῖον ἐς εἰκόνας ἑαυτῶ καὶ ἐκείνῃ καὶ ὁ δῆμος συνεστήνευκεν, ἑαυτῶ μὲν ἑδεμίαν, Ὑγίαιας δὲ δημοσίας --- ἔστησεν. *Cumque iterum pecuniam ei ad imagines faciendas Senatus Populusque conferrent, nullam quidem sibi, Salutis autem Publicæ---posuit.*

His addatur Statua, quam Rei antiquariæ studiosus (2) *Montfaucon* memoravit, nomenque *Minervæ Medicæ* indidit. Ejus Figura hoc in loco exhibetur; & *Minervam* aliquando Ὑγίαν fuisse appellatam, tum e (3) *Plutarcho* patet, in *Periclis* vita, qui a *Minerva* admoneretur, quomodo servum ægrotantem sanaret ὅτι τῷ τῷ δὲ καὶ ὁ χαλκῶν ἄγαλμα τῇ Ὑγίαιας Ἀθηναῖς ἀνέστησεν ἐν ἀκροπόλει πρὸς τὴν βωμὸν ὅς καὶ πρῶτον ἦν ὡς λέγουσιν. *Et ob hanc causam æneam Minervæ Hygiæ, Statuam erexit in Acropoli juxta Aram, quæ ibi antea erat, ut dicunt: Tum e Pausania supra laudato. Quare per errorem sæpissime Minerva cum Ὑγίαιας Ἐσκληπιοῦ Filia, confunditur. Licet enim Nomen aliquando Minervæ detur, non per Ὑγίαν, semper, sub eo nomine intelligitur Minerva.*

Apud hunc Autorem, scil. *Montfaucon*, Templi Ichnographia cernitur, ipso quidem non inepte sentiente, *Minervæ Hygiæ*, five *Medicæ* Templum, & in *Esquilina Romæ* Regione collocatum. Sed qui plura de *Minerva Medica* videre velit, adeat (4) *Gisberti Cuperi* Inscriptiones, & Marmora antiqua illustrata.

(1) Lib. LIV. Edit. *Henr. Stephani* pag. 625.


(2) Vide *Father Montfaucon's Travels from Paris thro' Italy*, pag. 134.

(3) *Plutarchi Oper.* Edit. *Henr. Stephani*, pag. 291.

(4) *Apoth. Homeri* cui subjunguntur Inscript. & Marmor. Antiq. illustr.

Pag. 18.

Tab. 1.



MBf.

C A P. V.

De Nummis Saluti inscriptis.

Restat ut de Nummis *Hygiæ* inscriptis, nonnulla dicam: Hi quidem aptissime, in duas classes possunt dividi; quarum altera, Deæ effigiem exprimit; altera sub aliquo signo, five symbolo Deæ cultum innuit. Servato igitur temporis ordine, aliquos sequentes exhibere liceat.

Nummus, qui ad hanc classem primam referri debet, a (1) *Fulvio Ursino*, de Gente *Junia*, memoratur: in quo ipsius *Salutis* caput, cum hac Inscriptione

S A L V S

cernendum est; Autor quidem ait, hanc Imaginem *Salutis* expressam ad *C. Junium Bubulcum Brutum* pertinuisse, ob *Ædem* illam (de qua supra) quam Consul voverat, Censor locaverat, Dictator dedicavit.

Eandem pene *Salutis* figuram habet Clarissimus (2) *Gevartius*, in Nummo *Tiberii Cæsaris*, pulcherrimæ mulieris faciem exhibente, & inscripto

S A L V S A V G V S T A.

quem vide in Tab. 2. Fig. 1. e *Gevartio*.

(1) De Familiis Romanis, a Patino restitut. Paris. MDCLXIII. pag. 141.

(2) *Croyiaci* Numism. Tab. XVII. Fig. 13.

Elegans etiam apud (1) *Gevartium*, & (2) *Oiseli-um*, *Neronis* Nummus est: in quo cernitur, in sella sedens, manuque Pateram tenens Dea *Salus*; sed, quod notatu dignum, nullus cum ea Serpens, unde interpretatus est *Oiselius*, quasi *Nero* designare vellet, nil venenati *Saluti* esse tribuendum. Nummus inscribitur

S A L V S.

& est in Tab. 2. Fig. 2. e *Gevartio*.

Porro apud (3) *Patinum*, Virum fane Doctum, & Antiquitatis Admiratorem, Nummus est *Tra-jani*, qui *Æsculapium* & *Salutem* repræsentat; hanc Serpentem solum in dextra, cui e Patera cibum præbet, tenentem; illum, Baculum, cui Serpens circumvolvitur. Hunc quidem Nummum *Communitas Creten-sium* cudi curavit, inscripsitque

K O I N O N K P H T Ω N.

quem vide in Tab. 2. Fig. 1. e *Patino*.

Proximus Imp. est *Hadrianus*, cujus Nummi, faciem Deæ hujus exhibent; quorum tres ab (4) *Oiselio* exhibentur. Primus habet *Salutem* stantem, ante Aram, circa quam Serpens circumvolutus affurgit, & a Dea, cibum e Patera præbente pascitur, cum hac Inscriptione

S A L V S A V G.

In secundo cernitur *Salus* ante Aram, uti prius,

(1) *Croyiac*. Numism. Tab. XXI. Fig. 13.

(2) *Oiselii* Thesaur. Nummorum. *Amstel.* A.D. 1677. pag. 424. Tab. LXXX.

(3) Imp. *Romanorum* Numismata. *Paris.* A.D. 1696. pag. 159.

(4) Tab. LXXXI.

stans,

1. e Gevartio.

2.

1. ex Oiselio.

2.

Tab.



1. e Patino.

2.

1. ex Urfino.

2.





stans, dextera Pateram, sinistra Baculum, aut Scep-
trum tenens; cum eadem Inscriptione. In tertio
eodem modo ac in prioribus, sedens vero in sella;
Hic Nummus inscribitur

P. M. T R. P. C O S. II.

& in ima parte

S A L V S A V G.

qui omnes cernantur Tab. 2. Fig. 1, 2, 3. ex *Oiselio*.

Apud (1) *Patinum* etiam hujus Imp. Nummus est,
in quo *Salus* & pater *Æsculapius*, uti in Nummo
Trajani, quem supra laudavimus, cernantur. Sic
autem Autor ille, etsi mutilum, inscriptum profert,

. K I A B I A N Ω N.

magis vero perspicue, ab Insigni (2) *Harduino*, il-
lustratur de ΝΙΚΑΕΩΝ Nummis narrante, sub his Verbis
ΝΕΙΚΑΕΩΝ ΚΙΑΒΙΑΝΩΝ ΠΕΡ.

Inter Nummos (3) *L. Ælii Cæsaris*, unus est in-
veniendus, ab illo *Hadriani* tertio, jam ex *Oiselio*
recitato, parum differens, nisi quod *Ælii* Nummus
sic inscribitur,

T R. P. C O S. II.

Necnon apud (4) *Patinum* in *Antonini Pii* Num-
mis, *Æsculapius* & *Salus* cernuntur, eodem modo,
uti in iis *Trajani*, & *Hadriani* prius memoratis,
scil. hæc in manu, ille circa Baculum, Serpentem
tenens, cum Inscriptione, quæ vix intelligi potest,

(1) In *Hadriano*, pag. 159.

(2) In Nummis Antiquis illustratis.

(3) Numism. *Croyiac*. Tab. XL.

(4) In *Antonino*, pag. 179.

nisi quod a *Pergamenis* fuisset cufus. Utet apud eundem Autorem, ejusdem etiam Imp. Nummus est, in quo sola stans *Salus*, Serpenti, quem in altera manu tenet, e Patera cibum præbet. Cum hac Inscriptione

NIKAIEIC ΘΕΑ ΥΓΕΙΑ,

quem vide in Tab. 2. Fig. 2. e *Patino*. E duobus hisce Nummis patet, Vota a *Pergamenis* & *Nicæensibus* pro *Antonino*, dum ægrotaret, facta fuisse; quod non solum hi docent, verum etiam Inscriptio in Columna *Messanensi* de qua infra. *Æsculapium* præterea, & *Salutem* a *Pergamenis* & *Nicæensibus*, fuisse cultos, abunde testatur *Harduinus*. Huic porro *Nicæensium* convenit *Antonini Pii*, apud (1) *Gevartium*, diversam tantummodo habens Inscriptionem,

TR. POT. XX. COS. III. & in medio S. C.

Hujus etiam Imp. Nummus est (2) *Oiselianus*, cum Inscriptione

COS. III.

in eo *Salus* ante Aram stat, Serpentem pascit, ut antea sæpe; sinistra vero Navis Gubernaculum, quod Globo infistit tenens. Designat, *Oiselio* interpretante, *Salutem* & *Incolunitatem Imperatoris, ob ejus Imperium, etiam Orbis terrarum salutem esse*. Vid. Tab. 2. Fig. 4.

(1) Tab. XLII. Fig. 20.

(2) Tab. LXXX. Fig. 10. pag. 423.

Proxime *M. Aurelii* sequuntur Nummi. Primus, quem ab *Amastridis* (*Paphlagoniæ* Urbis, teste *Strabone*) incolis, fuisse cufum, refert Inscriptio

A M A C T P I A N Ω N

Aurelio, a (1) *Patino* tribuitur, propter faciei conformitatem, cum aliis ejusdem Imp. Nummis; sed utut ea res sit, in averfa parte, quam nostri nunc est explicare, occurrit *Salus* ftans, Serpentem tenens, ut in illo, in *Antonini Pii* honorem, a *Nicæensibus* cuso. Habet & (2) *Gevartius*, duos *Aurelii* Nummos, in quibus, ut ante, *Salus* cernitur ante Aram Serpentem pascens. Differunt inter fe hoc modo, prior exhibet *Salutem*, finiftra habentem Baculum, aut Haftam, & infcribitur

SALVTI. AVG. COS. III.

alter Baculum tenentem etiam, vel Haftam, & Infcribitur

SALVTI. AVGVSTORVM. TR. P. XVII.

quem vide in Tab. 2. Fig. 5. ex *Oifelio*. De quo narrans (3) ille Autor nonnullos effe, ait, qui de (4) Virgine *Lanuvina*, hos horumque fimiles Nummos interpretantur; minime autem dubitandum est quin in his, & fimilibus, Ubi de *Hygia*, & *Æfculapio* dictum est, ad eos, tanquam Deos *Salutiferos*, referri debeat.

Ob hanc caufam, in *Aurelii* Nummis, frequenter non modo *Salutem*, verum etiam *Æfculapium* vi-

(1) In *Aurelio*. pag. 189.

(2) Tab. XLVI. Fig. 4, & 8.

(3) Tab. LXXX. Fig. 7.

(4) Vid. *Propertii*, Lib. IV. Eleg. 8.

demus. Dicit quidem, Hic ipse Imperator & Philosophus, se Diis gratias agere, (1) τὸ δὲ ὀνειρέψαντες βοηθήματα δοῦναι, ἀλλὰ τε καὶ ὥς μὴ πτόειν αἷμα, καὶ μὴ ἰλιγγῆαι, quod per insomnia remedia fuerint indicata, cum alia, tum adversus Sanguinis excreationem, & capitis vertiginem. Quibusnam igitur Diis gratias agere debuit, si non *Æsculapio* & *Saluti*? si non Diis ipsis salutem dantibus? Quare ob Remedia per insomnia indicata, omnes hosce, nonnullos saltem, Nummos fuisse cūfos, licet conjicere. Præterea *Aurelius* Philosophus, utet ejus familia tot *Æsculapio*, tot *Hygiæ* monumenta erigere potuerit, quoniam ipse, secundum *Patinum*, nil sine sanitate faustum, neminem sine mente sana, in corpore sano, felicem existimavit. Et ob hanc etiam causam, habent *Gevarcius*, *Patinus*, nostrumque Gazophylaceum, non paucos, *Faustinae* Jun. *Aurelii* Uxoris, Nummos, cum figuris, haud aliis, quam in *Aurelii*, nuper explicatis.

Porro *Commodus*, *Faustinae* Filius, Nummum huic Deæ inscribi voluit, in quo, diverso, quam antea, modo, signatur; hic quidem *Salus* Serpentem pascit e Patera, Serpens vero sub arbore frondosa, assurgit, juxta Columnam, cui figura quædam Hastam tenens, infigitur. Inscriptio est

P. M. TR. P. X. IMP. VI. COS. III. P. P.

& in ima parte

SALVS. uti in Tab. 2. Fig. 6. ex *Oiselio*.

(1) *Antonini* εἰς ἑαυτὸν. Lib. I. XVII.

(2) *Oisellii*, Tab. LXXX. Fig. 4.

Complures alii sunt Nummi, qui Deæ *Salutis* faciem ostendunt, sub Imperii cadentis Imperatoribus (viz. *Heliogabalo*, *Macrino*, *Alexandro Severo*, *Maximino*, *Gordiano Pio*, *Gallieno*, *Victorino*, *Tetrico*, *Carausio*, necnon quibusdam aliis) cusi, quorum vix, ab iis jam explicatis, figuræ differunt. Et hætenus de Nummis *Salutis* faciem, aut effigiem, exhibentibus.

Restat, ut ad alteram classem, *Salutis* cultum, sub aliquo signo, five symbolo, innuentem progrediamur. Et ad eam referre licet *L. Rubrii Dosseni* Numismata, in quibus Altaria, cum Serpente cudentur; *L.* hunc *Rubrium*, opinatur (1) *Ursinus* (a quo hæc accepimus) eum esse, cujus hæreditatem *M. Antonium* invasisse scribit (2) *Cicero*. Quicumque vero is fuerit, Gentis suæ aliquod celebrare monumentum, voluisse manifestum est; cum Angues super Altaria, in his Nummis signaverit. Unde, cum eodem *Ursino* conijcere fas sit, aut aliquem e Gente *Rubria*, *Salutis* Ædem restituisse; aut unum ex iis fuisse, qui ad arcerendum *Æsculapium Epidarium*, legati fuerint. Adnotandum porro signum Victoriæ, in primo Denario, insignem aliquam hujus Gentis Victoriæ designans. Vide Tab. 2. Fig. 1 & 2. ex *Ursino*.

His adjiciendus est (3) *Tiberii Cæsaris* Nummus, in cujus altero parte Caput *Tiberii*, altera Ara,

(1) De Familiis Romanis, pag. 242.

(2) In Oratione Philippica 2^{da}.

(3) Vide Numismatum Antiquorum Syllogen. Londini MDCCVIII.

cui inscribitur S A L. A V G. cernitur, cum Inscriptione

C. II. A. M. J U L. S E T T A L. L. S E S T I. C E L E R. H V I R. i. e.
*Colonia Immunis Illice Augusta: Marco Julio Settalo;
 Lucio Sestio Celeri Duumviris.*

Et *Neronis* Nummus (1) *Oiselianus*, sine aliqua Inscriptione, in quo Serpens tortuosus, sub Arboris umbra cernitur, cujus Rami ad Aram accensam inclinant; Serpens caput attollens, ad ignem etiam vertit. Quod quidem *Ænigma* ad *Salutiferos* Deos, referendum videtur; Serpentem enim esse tum *Salutis*, tum *Æsculapii* Symbolum ex prædictis, patet. Vide Tab. 2. Fig. 7. ex *Oiselio*.

Apud eundem insuper Autorem, Nummi sunt *M. Aurelii* duo, quorum Unus inscribitur

T R. P. X X. I M P. I I I. C O S. I I I.

Et in eo cernitur Serpens super Aram; Hinc *Victoria* alata, dextra *Urceolum* tenente, sinistra *Canistrum* floribus plenum, illinc muliebri quadam figura galeata (fortasse *Dea Roma*) astante. Sacrificium, in hoc Schemate repræsentatur, *Æsculapio* soli, uti vult *Oiselius*, sed sine dubio Diis *Salutiferis*, pro Imperatoris salute; quem Nummum vide in Tab. 2. Fig. 8. ex *Oiselio*.

Alter, sine ulla Inscriptione, *Fœminam* habet feminudam, sub arbore stantem, cum *Urceolo* anato in Dextra, in Sinistra *Patera*, & offerentem figuræ cuidam muliebri, (fortasse ipsi *Saluti*) quæ

(1) *Oisellii*, Tab. LXXX. Fig. 1, 2 & 3.

super mensam stare videatur, ejusque corporis inferiori parti Serpentem circumvolutum habeat. Hoc etiam pro salute Imperatoris *Aurelii* sacrificium esse, existimandum est. Vide Tab. 2. Fig. 9. ex *Oiselio*.

Et quoniam mentionem, de Sacrificiis *Saluti* factis, antea fecimus, vix abs re erit, hoc in loco, quod, ab (1) *Leonardo Augustino Senensi*, memoratur, recitare. Habet ille Vir Doctissimus, duas Gemmas antiquas, quarum utræque huic Deæ Sacrificium repræsentant. In prima conspicitur Vir sacrificans, in altera manu, Serpentem tenens, super Aram accensam, & in altera vasculum vini, liquorisve alterius generis plenum. In secunda stat Mulier nuda, e Patera (uti vult *Augustinus*) vinum vel lac, super caput Arietis, *Saluti* consecratum, fundens. Utet in ima Gemmæ parte, Homo sedens, sinistra tenet Serpentem, dextræque digitum, in Pateram liquoris plenam, immergit.

Præter has Gemmas, in altera, quam admodum, ut adjiciatur, dignam judicavimus, trium Deorum Medicorum Imagines, simul exhibentur. *Æsculapius* in solito cultu, innixus Baculo, cui Serpens circumvolvitur. Parvulus in medio *Telesphorus*, *ὁπὸ τὸ τέλος φέρειν*, a Valetudine post morbum confirmanda, sic appellatur. Hunc autem Deum esse *Pergamenorum*, qui *Evamerionem* quendam, *Telesphorum* nominarunt, divinosque ei honores ha-

(1) Vid. Gemmas, & Sculpturas Antiquas *Leon. Augustini Senensis*. pag 55.

buerunt, autor est (1) *Pausanias*, Εὐαμερίωνι δὲ ὡς Θεῷ ὕγσι· εἰ δὲ ὀρθῶς εἰχάζω, τὸ Εὐαμερίωνα τῶτον Περγαμηνὸν Τελεσφόρον ἐκ μαντεύματος, Ἐπιδάυριοι δὲ Ἀκέσιον ὀνομάζουσι, *Evamerionem, si recte con-jicio, Pergameni Telesphorum, Epidaurii vero Ace-sium nominarunt.* Tegitur eo Vestis genere, quod *Bardocucullus* nominatur, fatisque a (2) *Martinio* explicatur. Laurea quidem Corona, ad unum ex his tribus Diis Medicis, referri videtur, ait enim (3) *Geoponicorum Autor*, λέγουσι δὲ τῶτο πάλαι τὸ δάφνης ὅτι ὑγείας ἐργαστικὸν ἔστιν, & hoc de Lauro aiunt, quod homines sanos efficiat. Sed ad parvulum *Telesphorum*, juxta *Festum Pompeium*, apud quem indicandum est, Anti-quorum fuisse opinionem, Laurum ad valetudinis conservationem conducere. Ad sinistram stat nostra Dea *Salus*, poculum manu tenens, quod, ut de *Salutis* Poculo apud Antiquos in usu, paulo liberius loquar, necessarium reddit.

Hoc quidem Poculum μετάνιπτον five μετανιπτεῖς ab (4) *Athenæo*, aliisque nominatur, quam μετὰ τὸ νίψασθαι, post ablutas a coena manus, sibi mutuo propinabant con-vivæ, ὑπέποντες τὸ τὸ ὕγείας ὄνομα, uti *Callias & Philetærus*, apud eundem Autorem indicant, Καλλίας δ' ἐν Κύκλωφι, καὶ δέξαι πλώδε μετανιπτεῖδα τὸ ὕγείας. Φιλέταρος Ἀσκληπιῶ, εἰέσεισε μετὴν ἴσον ἴσῳ μετανιπτεῖδα μεγάλῳ, ὑπειπὼν τὸ ὕγείας τένομα. *Callias in Cyclopibus: Accipe hanc Metaniptrida Salutis. Philetærus in Æsculapio: Magnam Metaniptrida*

(1) In *Corinthiacis*.

(2) In *Lexic. Philologico* sub voce *Bardocucullus*.

(3) Γεοπονικά. *Cantab.* Anno MDCCIV. Lib. XI. pag. 303.

(4) *Athenæi Deipnosophistarum*. Lib. XI.

Fig: 1



2



5



CYZETEME

*Amico optimo, de se bene merenti,
 HUMFREDO DENE, Armigero,
 Æsculapium, Hygieam, cum Telesphoro,
 in as incisos, D.D.D. Q.*

GUIL: MOSGRAVE G.F.

Fig. 1.

Fig. 2.



Salutis incussit vino, par pari mixto, plenam, & deinde statim nomen effatus est. Et paulo post Nicotratatus

Μετανιπρίδα αὐτῷ τῆς Ὑγείας ἔγχεον.

Affunde illi Salutis Metaniptrida.

Huc porro pertinere videntur, quæ a Julio Polluce scribuntur, ibidem de hac *Metaniptride* verba faciente, Μετανιπρίς κύλιξ ἔστιν, ἣν μεταὶ τοῦ σπονδίασθαι ἐλάμβανον, τὸ δὲ ὄνομα, ὃ ἔκαστὸς ἐκπομα οὐχ ἁπλῶς ἀλλὰ τῇ τάξεως. ἣ δὲ καὶ Ὑγεία ἱερὰ ὡς καὶ Διὸς σωτῆρος κρατὴρ ἱερὸς ἦν. *Metaniptris calix est, quam post ablutas manus sumebant, nomenque non a forma, sed sumendi ordine, recepit. Erat & Hygiæ sacra: sicuti Jovis Salvatoris Crater quoque sacer erat.*

Postremo Litteræ CRZETE ME i. e. *Salvere me jubete*; in inferiori parte, videntur (uti opinatur *Augustinus*) esse formula quædam Precationis ad hosce Deos, ut ab his impetretur fanitas.

C A P.

C A P. VI.

De Inscriptionibus.

NUmmis in Capite superiori nonnullis, qui in honorem *Hygiæ* cuderentur explicatis, sequuntur alia Monumenta antiqua, scil. *Inscriptiones*, quæ non minus ejusdem dignitatem ostendant. Quare, partim e *Reinesii* Syntagmate, partim e *Gruteri* Inscriptionum Thesauro, has sequentes collectas exhibemus. Habet (1) *Reinesius*

AESCVLAPIO EPIDAVRO

D. P. P.

ET SALVTI.

Quam in Hortis *Justinianis Romæ* esse retulit, & hoc modo interpretatus est, *Æsculapio Epidauro Deo Pollenti Potenti & Saluti*:

Necnon alteram,

AESCVLA

PIO. ET HY

GIAE. M. AN

TONIUS

SATVRNI

NVS. DC. COL.

V. S. L. M.

Quæ *Salatnæ Transilvaniæ* in horto collocatur, & sic fortasse legi debet, *Æsculapio & Hygiæ, Marcus Antonius Saturninus, Decurio Coloniae, Votum solvit lubenter meritoque.*

(1) Classe prima. Inscript. CXIV.

In *Gruteri* Thesauro magnus Inscriptionum aperitur campus: Tum *Græcæ*, tum *Latinae*, *Hygiæ*, una cum *Æsculapio*, ibi cernuntur. Refert quidem *Græcam* esse Inscriptionem, *Messanæ* in *Sicilia*, in summo templo, in basi rotunda nigri Marmoris, intercurrentibus venis obscure albicantibus,

ΑΣΚΛΗΠΙΩ
ΚΑΙ ΥΓΕΙΑ
ΣΩΤΗΡΣΙΝ
ΠΟΚΙΟΥΧΟΙΣ

Ἀσκληπιῷ
καὶ Ὑγείᾳ
Σωτῆρσιν
Πολίε'χοις,

in averſa parte

ΑΙΛΙΩΙ ΑΔΡΙΑΝΩΙ
ΑΝΤΩΝΕΙΝΩΙ
ΣΕΒΑΣΤΩΙ ΕΥΣΕΒΕΙ
Π. Π.

Αἰλίῳ Ἀδριάνῳ
Ἀντωνεῖνῳ
Σεβαστῷ Εὐσεβεῖ,
Πατρὶ Πατρίδης.

i. e. *Æsculapio & Saluti Servatoribus, Custodibus Urbis, pro Ælio Hadriano Antonino Augusto Pio, Patre Patriæ uti vult* (1) *Patinus.*

Ut & *Albæ Juliæ*,

ΚΥΡΙΩ. ΑΣΚΛΗ
ΠΙΩ. ΚΑΙ. ΥΓΙΗ.
ΘΕΟΙΣ. ΕΠΙΚΟΥΡΙΟΙΣ
ΜΑΡ. ΜΕΜΜ. ΛΟΝ
ΓΟΣ ΒΕΝΕΦ. ΕΥΧΗΣ
ΧΑΡΙΝ ΑΝΕΘΗΚΕΝ.

*Æsculapio & Saluti,
Diis Auxiliariis,
Marcus Memmius Longus
Beneficiarius, ex Voto
Posuit.*

His porro adjicienda est, omnino vetus Inscriptio tribus Diis Medicis simul, scil. *Æsculapio, Saluti,*

(1) In *Antonino Pio.* pag. 179.

& Parvulo *Pergamenorum* Deo *Telephoro* inscripta,
Veronæ in Sancti *Pauli* Templo inventa,

ΑΣΚΛΗΠΙΩ
 ΠΕΡΓΑΜΗΝΩ
 ΥΓΕΙΑ
 ΤΕΛΕΣΦΟΡΙΩΝΙ
 ΘΕΟΙΣ
 ΣΩΤΗΡΣΙ
 ΠΟΛΙΣ.

Apud eundem etiam Autorem, Latina est Inscriptio, in qua

AESCVLAPIO. ET. HYGIAE
 CAETERISQ. DIIS. DEABVSQ
 HVIVSQ. LOCI. SALVTARIB
 C. IVL. FRONTONIANVS. VET
 EX. B. F. COS. LEG. V. M. P. REDDI
 TIS. SIBI. LVMINIBVS. GRAT
 AG. EX. VISO. PRO. SE. ET. CAPSIA
 MAXIMA. CONIVG. ET. IVLIA
 FRONTINA. FILIA. V. S. L. M.

Caius Julius Frontonianus veteranus, ex Beneficiariis Consulis, Legionis quintæ Macedonicæ Princeps (1) *quia in prima acie dimicaret) redditis sibi luminibus, ex viso* (i.e. uti per visionem admoneretur) *pro se, & Capsia Maxima Coniuge, & Julia Frontina filia, gratias agit, Æsculapio & Saluti, cæterisque Diis Deabusque huiusque loci* (scil. Albæ Julæ) *Salutaribus, & votum solvit lubens meritoque.*

(1) Vide *Vegetium* de re Militari, Lib. I. Cap. 20.

Romæ porro inventa est, in ædibus *Caroli Crescentii*
ad Rotundam sive Pantheum, Ara, cui inscribitur,

ASCLEPIO. ET
SALVTI.
COMMILITONVM
SEX. TITIVS ALEXANDER
MEDICVS. CHO. V. PR.
DONVM DEDIT.

Domitiano

AVG. VIII

T. FLAVIO SABINO COS

i. e. *Sextus Titius Alexander, Medicus Commilitonum Cohortis quintæ Prætoriae, donum dedit Æsculapio & Saluti. Domitiano VIII & Tito Flavio Sabino Cos. A. U. C. 834. post natum Christum 82.*

Utet Inscriptio, *Neapoli* inventa, in qua cernitur

AELIA. NICE. ET
CALLISTVS MEDICVS.
ASCLEPIO. ET
HYGIAE
DON. POSVERVNT.

Haftenus de *Inscriptionibus Deæ Saluti*, in quantum ea ad unius hominis salutem referebatur: Complures aliæ, tum *Græcæ* tum *Latinae*, in Thesauro *Gruteriano* legantur. Necnon Inscriptiones SALVTI. PVBLICÆ, & pro SALVTE. ITV. RED. Omnes vero hoc in loco recitare, nimio Lectori esset tædio.

THE UNIVERSITY OF CHICAGO PRESS
CHICAGO, ILL. 60607

AT THE
UNIVERSITY OF CHICAGO
CHICAGO, ILL. 60607

THE UNIVERSITY OF CHICAGO PRESS
CHICAGO, ILL. 60607

THE UNIVERSITY OF CHICAGO PRESS
CHICAGO, ILL. 60607

THE UNIVERSITY OF CHICAGO PRESS
CHICAGO, ILL. 60607

THE UNIVERSITY OF CHICAGO PRESS
CHICAGO, ILL. 60607